

Transkription von Stadtbucheintrag SWN 1450a

Ort, Datierung: Schwerin, 1450-11-02

Signatur: Stadtarchiv Schwerin, Ältestes Stadtverlaßbuch, Abt. 11, Nr. 11743, fol. 30b

Inhalt: Hans Bralstorp: Schuldurkunde; Hinrick Viet: Schuldurkunde; Clawes Grape: Schuldurkunde; Henningk Brant: Schuldurkunde; Henningk Brand: Verpfändung; Merten Pampow: Schuldurkunde; Hinrick Went: Schuldurkunde; Albert Belouw: Schuldurkunde

It(e)m Hans bralstorp is schuldich Tilske danckward(es) vnd(e) greteke brand(es) erer / suster xxv lub(esche) m(a)rk dar schal he en vor(e) gheue(n) twe mark alle Jar to re(n)the / so langhe se beyde offte erer een leuet we(n)ner ou(er) se beyde in god synt / vor storue(n) so schal de houet su(m)me myt der renthe ok doet wesen Dar / settet he en vor(e) tobewari(n)ge syne brede land(es) vor der stad we(re) ok dat he / en de renthe nicht wol to tijden betalde So moge(n) see sijk holden an de brede / holden vnd(e) to paschen de ene m(a)rk vnd(e) de ander(e) vppe su(n)te Michahelis / tobetale(n) alse recht lijffgedingk Sig(na)t(um) M l^{mo} seq(uen)ti die om(nium) s(an)ct(or)um / ¹

It(e)m Hinrick viet is schuldich Her(e) Nicolao Nuchterndantz vnd(e) He(n)ni(n)ghe / synem(e) broder(e) xx lub(esche) m(a)rk dar schal he en vor(e) gheue(n) alle Jar twe lub(esche) / m(a)rk vppe Joh(an)is ² Dar settet he en vor(e) tobewaringe syn hus in der ersten scriffte Sig(na)t(um) / Anno l^{mo} / ³

It(em) Clawes grape is schuldich vicko Smylouwe(n) tey(n) lub(esche) m(a)rk dar settet he em / vor(e) tobewaringe ene(n) morghen ackers belege(n) vppe dem(e) kabelendale den / acker mach he messen vnd(e) synen mesz vtbuwe(n) Sig(na)t(um) seq(uen)ti die (con)ceptio(nis) / ⁴

It(em) bekenne wy dat He(n)ni(n)gk brant is schuldich alber(d) Alberd(es) Achtentich / lub(esche) m(a)rk d ⁵ vnd dar vore alle Jar Sos lub(esche) m(a)rk to renthe vppe Su(n)te Mer/tens dach dar settet He(n)ni(n)gk vor tobewaringe syn hus dar he ane wanet / myt syn(en) tobehoringe in der ersten scriffte vnd(e) dat to segge(n)t schal wesen / vanbeyder wege(n) ey(n) veerndel Jares to voren Sig(na)t(um) Anno (it cetera) l^{mo} ip(s)o die / lucie / ⁶

It(em) de sulue He(n)ni(n)gk brand hefft gesettet Kalebernd vnd(e) brand berchma(n)ne / de beteri(n)ge an dem(e) sulue(n) synem(e) huse vnd(e) syn redeste gud vor das loffte / dat se Her Nicolaus Rampen vor em vor vefftich mark vor em gelauet hebbe(n) / So vorlert ? ok bernd alle ander scriffte we(ret) dat he boue(n) de vefftich m(a)rk sci(uen) ? ander / scriffte hadde Sig(na)t(um) seq(uen)ti die lucie anno vt s(upra) / ⁷

It(em) Merten pampow is schuldich Clawes Heynen veer lub(esche) m(a)rk dar settet / he em vor(e) ene morge(n) ackers vppe dem(e) ostorper velde den acker mach / Claw(es) messzen vnd(e) synen ⁸ mesz vtbuwen sig(na)t(um) ut p(ro)x(im)^e sup(ra) / ⁹

It(em) Hans Jacobes hefft gesettet Kersten blasen vnd(e) Hans Storme(n) syn hus vnd(e) / syn redeste gud neghest vorscriffen tobewaringe vor dat loffte dat se dem(e) / rade vor em gelauet hebben dem(e) rade vor vefftich m(a)rk Sig(na)t(um) die vig(ilia) thome / ¹⁰

It(em) Merten pampow is schuldich Hinrik knillen xij lub(esche) m(a)rk dar settet he / em vor(e) to
bewari(n)ge syn hus myt syn(er) tobehoringe neghest vorscrifften vnd(e) / besondere(n) ene(n)
morghen ackers belege(n) i(n) dem(e) ghosewinkelen den acker / mach Knille messzen vnd(e) syne(n)
messz vtbuwen vt p(ro)x(im)^e s(upra) / ¹¹

It(em) Hinrick we(n)t is schuldich Hermen Ty(m)men ¹² Curd Meynen xx lub(esche) m(a)rk dar schal
he em / vor gheue(n) alle Jar twe m(a)rk to renthe vppe Su(n)te Mertens dach dar / settet he em vor(e)
tobewaringe syn hus myt syn(en) tobehori(n)ge neghest vor / scrifften Sig(na)t(um) p(ro)x(ima)
sup(ra) / ¹³

It(em) Albert belouw is schuldich Jacob belouwen teyn lub(esche) m(a)rk dar / settet he em vor(e)
ene(n) morghe(n) ackers belege(n) by dem(e) grote(n) broke den / acker mach Jacob messen vnd(e)
syne(n) messz vtbuwe(n) Sig(na)t(um) i(n) die thome / ¹⁴

¹ 1450-11-08

² vppe Joh(an)is nachträglich über der Zeile eingefügt

³ gesamter Abschnitt im Original durchgestrichen

⁴ gesamter Abschnitt im Original durchgestrichen, 1450-12-09

⁵ d im Original gestrichen

⁶ gesamter Abschnitt im Original durchgestrichen, 1450-12-13

⁷ gesamter Abschnitt im Original durchgestrichen, 1450-12-14

⁸ ursprüngliches synem vom Schreiber in synen korrigiert

⁹ 1450-12-14

¹⁰ 1450-12-20

¹¹ 1450-12-20

¹² Hermen Ty(m)men im Original durchgestrichen und durch Curd Meynen über der Zeile ersetzt

¹³ gesamter Abschnitt im Original durchgestrichen, 1450-12-20

¹⁴ 1450-12-21